

KU LUSYOMO, MUSA



Nda lumba, Mukwesu Neville. Mwabuka kabotu, no bantu. Ncibotu kuba kuno mu cikombelo. Elyo Ndali kuyeeya kuti ndiza Nda bamba Mukwesu Neville kuti akanane kuseeni kuno, inga Nda sola sunu masiku. Elyo mpawo Ndali kulanga kusule mpawo ku ciyyo cakwiya Munsondo kuseeni kuno. Elyo eco i . . . I Mwami nawayanda, tuyo sola ku—ku ba a ciyyo eci cakwiya Munsondo.

² Lino, kwainda mvwiki zystone lino, kutandila, kuzwa ni Nda kasika. Elyo ndakali nyongene maningi mbuli mbo mwakamvwa, cakuti, mu mulimo, Nda kakatala ncobeni, ncobeni elyo tii ndaka konzya kuya ambele pe. Elyo mpawo Nda kasika kuzo lyookezya buyo asyoonto. Elyo Nda kabweza mazuba atandila kuli otatwe kumusanza ku Damu lya Wolf Creek, kumusanza mu Kentucky, nko Nda kazyalilwa. Nda kayeeya, “Oh, Nda limvwa buyo kubotelwa loko lino. Ndili kabotu.”

³ Elyo Nda kajoka ku ng’anda, nkabela cintu cisyonto citaanzi cakandiswaana ku meso angu cakali camusyobo umwi wa kaambo ka mfulumende kujatikizya mutelo wakuvola kwamuntu. Nda kali kuyabuya kutaba kabotu alubo. Aboobo Nda kamvwisya kuti ciyo tola kwiindilila mvwiki buyo na zystone kuti ndilyookezye.

⁴ Elyo mulimo wangu ulaafwi kuba a kucinca lino. Elyo Nsi jisi miswaangano ikanzidwe. Elyo ako nkekambo nco Nda baanga biyo nkuyaamuka, a kuyeeya, elyo lino kwa mvwiki zisyonto zitobela, inga Njo ba a kulyookezya buyo, kulyookezya kumaninide, a kulindila ku Mwami.

⁵ Elyo bunji bwanu no bantu muno, abo bantu bakaindi, abo bakali a ndiswe kwa ciindi cilamfu, bala yeeya eco Mwami nca kaamba kuli ndiswe, Wa kacita lyoonse eco Nca kaamba kuti Uyo cita.

⁶ Amuyeeye, cindi nkoonya ku matalikilo, ku mbungano kuno, kuseeni notwa kabikka ibbwe lya ciswi ca cikombelo, mbuli obo Mbwa . . . Cili lembedwe, alimwi cili bikkidwe mu ibbwe lya ciswi, aa pepa litakwecintu lya Bbaibbele lyangu. Kuya kuseeni, eco cilengano cipati, kaamba, “Eci tacili cikombelo cako.”

⁷ Nda kati, “Cili kuli, Mwami?” Elyo Wa ka ndibikka aa busena kungsi lya mulengalenga. Elyo Jwi lyaka boola. Elyo Nda kalanga a kubona ziingano ezyo zyotatwe, mbuli, misamu a micelo yawo, a zimwi zimbi. Mu lizi cilengano mbo cibede. Ca kalembwa, kwa myaka.

⁸ Kandibweza, buzuba bumwi, bbuku lyakaindi kutala kuya, kandibala zintu zimwi ezyo Mwami nzya kaamba, zyakaambwa

kumbele; zyaka citika kale. Kujatikizya zintu ezi zyakubusyi, a kujatikizya nzila nkondo mboiya kulibonya, nkabela zintu ezyo zyoonse zyauma.

⁹ Zintu zyoobile buyo zisyeede, muli cimwi ca zeezyo zisinsime zipati. Ezyo zya, kali myootokala kuba mu mugwagwa a kweendelezegwa kwa muncini aa masigino, kuboneka mbuli ijii, buyo yebo toyeenzi. Ila lyeenzya iini. Elyo mpawo kuyooba mwanakazi mulemu uyo buka, nkaambo America ncisi ca mwanakazi. Elyo ciyo. . . I mwanakazi mulemu uyo buka, a kuba Muleli na cintu cimwi mbuli boobo, mu cisi. Elyo mpawo kuyooba lunyonyooko lwa kumaninina. I cisi coonse ciyo zimaazigwa cakumaninina.

¹⁰ Elyo, kuti, Nda kaamba ciza. . . Lino oyu tali Mwami waamba eci. (I cimbi, kujatikizya mwanakazi, cili, ngu Mwami.) Pele Nda kaamba ciza, mu 1933, kuti nyika iyonjila mu lunyonyooko lupati kiitana sika '77.

¹¹ Aboobo, tii Nda kazi mpawo kuti bajisi cintu cimwi eco cakali kukonzya kwiinyonyoona mbuli eco nco bajisi lino, pele Nda kabona cisi mu lunyonyooko lwa kumaninina, zifumpu buyo zya zisamu a zintu mbuli boobo, zyakasyaala.

¹² Aboobo, cili mu lweendo lwaco. Elyo ikuti na zintu ezi zyoonse zyeede kucitika mbuli Mbwa kaamba, kuti ziyooaba azyalo; alimwi mbuli Mbwa kaamba mu Lugwalo kuno, eco Nca amba. Ikuti Kristo waka boola ciindi ca kutanguna, Uyo boola ciindi cabili. Elyo zyoonse zintu Nzya kaamba ziyo citika. Elyo mbuli kulangilwa kubona eci, a kuziba kuti tuli. . . mweelwe wesu utandila buyo kwitwa, mbuli cisi, kuziba kuti Mbungano itandila kubweza ku Kweempwa Kwayo. Ku zungaanya moyo wa mukambausi, na kufumbwa simbungano uuli oonse, ku ziba kuti tuli mu buzuba obu a ciindi eco nco tupona. Nciindi cipati maningi ca muntu oonse waka sola kupona aa nyika, ndyoonya eno; nko kuti, ca Mbungano. Aboobo, Ndi yandisya ncobeni mipailo yanu.

¹³ Elyo mpawo Nda kabona mu cikombelo, alimwi Nda kabona kuti bajisi. . . bakali basikuyooba a kusala kumbi a zintu zyoonse, mu mbungano, ku nkamu imwi yeendelezya a zimwi zimbi.

¹⁴ Elyo—elyo mbungano yakali kuyandika kuba a muswaangano musyoonto, kunyanyaasigwa kusyoonto. Elyo lyoonse mwakali basiluse kuli ndime, a ku ndilongezya. Elyo kuli ndime kuba kuno, cakaboneka kuba cilongezyo kuli ndinywe. Elyo Ndili masimpe, kuba a ndinywe, cali cilongezyo kuli ndime. Elyo mwaka tambula lyoonse nco Nda kaamba kuba Bwini, mbuli mbo Nda kacibona kwiinda kuli Leza. Elyo Nda—Nda lumba eco.

¹⁵ Aboobo mpawo, Nda katalika kubeleka, elyo mpawo Nda keelede kulingula, a kululamika mbungano yesu, mu nkamu

zyayo zyeendelezya, elyo mpawo kukusala a zimwi zimbi. Elyo mpawo—mpawo, Nda kayeeya, kuzwa eco, Nda kainka kubusena kuyooaba a kulyookezya asyoonto ka Ndi tana kujoka aa mulimo ciindi cimbi.

¹⁶ Amu cibambe aakati kanu. Lino, tacili ca bantu baanze. Nca cikombelo eci. Tu yanda muswaangano a cikombelo eci, kutegwa zintu zyoonse, a bulubizi boonse, zintu zyoonse zyali kuzumanana kucitika, a ndiza kulimvwa kumwi kusyoonto kuzwa kuli umwi aumwi; abo, Ndi yobweza umwi aumwi kuli wabo a kubaleta nkoonya ku busyu a busyu. Aboobo ikuti na toyandi ku cilanganya, ncibotu wazwa mu cisi; nkaambo uboola ku busyu a busyu ku cibeela coonse ca ncico, mbuli mbo twakali kucita kuno ku cikombelo. Elyo boonse beelede kululamikwa, nkaambo tuli babunyina a bacizi abo baka komona mulalilo, Mubili wa Kristo, ku tafule lya zilongezyo. Elyo taakwe cintu cita dyabulosi wakonzya kupanga cintu cili coonse cinga calubila, nkabela inga wacitya kulimvwa, na kumwaya, na cintu cili coonse mbuli eco. Elyo Ndi bweza Mukwesu Neville wesu, nkabela twiinka kuzwa ku busena a busena, a kuleta bantu ku bantu, antoomwe, kusikila cikombelo cakale cajoka, kuyakwa alubo, kukubeleka kwayo kweelede, kuzwidilila nkambo ka Bwami bwa Leza. Lino, aka, nke kaambo Nda amba eci, nkaambo cili a nkamu yesu iini iniini kuno kuseeni awa.

¹⁷ Elyo lino Ndi yooba a kulyookezya kumwi, a kujoka cakufwambaana mbuli mbo Ndi konzya. Mpawo Ndi langila kunyamuka kuya ku mulimo alubo. Elyo ciindi eci, Mwami nawayanda, Ndi yanda kubweza oko kusyoonto nkotwa bwezelela mu mali, a zimwi zimbi, i zyangu, kubusena mu . . . aya mabambe aa kumwaya lusyomo lwabukombi ku masi aambi. Elyo kundijanina tente lipya, a zibelesyo zimwi zipya, a kutalika aa mulimo. Kutali kuzwaku mbungano kuya ku mbungano, pele kwiinka mu miswaangano yesu iini.

¹⁸ Lino, kutali kutalemeka ku bakwesu abo bakanditamba, eco cili kabotu. Pele kunji kwa ncico coonse, muyo jana miswanganano mipati ya baiminzi, baamba kuti uyooba ko, elyo mpawo beenzinyoko boonse bala boola kusangana, elyo mpawo kuli kunji loko koonse kwa kukulwaizya kuli zya mali. Ci nyonka buyo bantu maningi. Nda talika biyo kubona eco, nywebo mwabona. Aboobo eco—eco tacili cibotu. Tu yanda kujana busena nko tu konzya kubaleta. Ta mweelede kuleta mali anu. Ko zwidilila buyo kusika, lwako, a—a kubelekela Mwami. Mwabona? Elyo aboobo lino . . .

¹⁹ Elyo mulimo wangu wacinca ndyoonya lino. Mula yeeya cindi ni Ndali kubweza kwaanza kwa muntu, a kwiima buyo awo, nkabela Mwami wakali kunga wandaambila awo aakali mapenzi abo. Kaamba, “Mpawo ciyo boola kucitika, uyo ziba maseseke aa moyo wa bantu.” Nywebo nyoonse mulizi eco

cakacitika cakumaninina buyo nzila Mbo ca kaamba. Lino eyi ni ntaamo iitobela, eyo yaka sinsimwa a kwaambwa kumbele, eyo iyo indilila maningi kuli coonse ca Ncico, nywebo mwabona. Elyo uli mu lucinco ndyoonya eno.

²⁰ Elyo ako nkekaambo Saatani nca ndilwana a mutelo wakuvola kwamuntu, kusola ku ndaambila, i mfulumende, kuti Ndila cikwelete ca mutelo ku masheleni oonse nge Nda kabweza, mbuli mukambausi, kuzwa ku myaka yakainda iili makumi obile aili ciloba, ninda kanjila mulimo. Tacili obo, nkaambo cakainda mu mbungano kuno.

²¹ Ndili musyomesi wa mbungano eyi. Mbombubo ncobeni. Cili mu bulembo kuno. Aboobo, mpawo, ikuti na Ndi musyomesi-muyobozi wa mbungano eyi, nkokuti kwiina cintu cili coonse mu nyika. . .Mfulumende tajjisi cintu cili coonse a ncico. Ta babuzyi mbungano. Babuzya ndime nkaambo ka kuba muyobozi wa mbungano. Elyo basyomesi bakasaina pepa eelyo lili mu bbanki kutala kuya, kuti mali angu oonse. . .Mubusena bwa kuba a nsangano yangu iini, Nda kainzya mu mbungano yangu kuno, nkaambo lwayo ini ni nsangano, nekuba.

²² Elyo kucita eco, cindi gwasya kutazwa ku mbungano a kucisiya, a kuzumanana kuya ku masena a kutaba cintu kuno. Ne Nda kamana kusyomezya bantu kuti Ndino bweeda ku mbungano, ciindi a ciindi, a kubagwasya. Ako nkekaambo nci Nda kacibamba mbuli obo, nkaambo Nda kabamba cisyomezyo kuli ndinywe no bantu. Nke kaambo nce Ndi kkala a ncico mu nzila eyo, mubusena bwa kuba ku muntu alikke. Mpawo, ikuti na wacita eco, ci bamba kuba kabunga. Elyo Ndi lwana kabunga canguzu. Aboobo Ndi—Ndiyo cibamba buyo nzila mbo cibede, mu maanza aa Leza, kutegwa inga twa zumanana kweenda nkambo ka Bwami bwa Leza.

²³ Lino, kuseeni kuno, tu yanda kulangalanga Ijwi eli lyakale lyaka longezegwa, a kusyoma.

²⁴ Lino, Ndi yanda kwaamba, akwalo. . .Nda bona Mukwesu Egan a banji, basyomesi bamwi kabakede awa, notwa kamana kuba a muswaangano wa basyomesi, masiku amwi; cili masimpe, Mebo cantangalala kumbele lya mbungano, kuti umwi wanu nyoonse ta mucili i—i basyomesi baka pegwa incito. Muli basyomesi basalidwe, elyo ma zina anu alilembedwe mu bbuku. Ncibotu.

²⁵ Elyo lino bayooba a kusala kumwi kumbi kwa—kwa madaikona, a zimwi zimbi. Elyo Mukwesu Neville uli, ulaita abo kwamana buyo kuswaangana oku, ncibotu, a ku muyobozi a zimwi zimbi, mbuli mbo tuyaka mbungano. Amwii bambe, mbaakani zyoonse, kazibambidwe, mpawo inga twaba a lubukulusyo mbuli mbo luboola.

²⁶ Lino, notutana buyo kujula ku mapeegi awa, ku ciiyo cesu cakwiiya Munsondo, ku Ijwi eli lipati ilya Leza muumi,

atu kotamike mitwe yesu, kwaciindi cisyoono, mbuli mbo twaambaula kuli Mukamwini wa Bbuku eli. Elyo lino amu bikke ambali mizeezo yoonse, zintu zyoonse ziimpene, zimusinkila kuba a cilongezyo.

Atu paile.

²⁷ Yebo Leza uululeme a uusalala maningi, mu Busyu Bwako busetekene twa boola lino, kutuula maumi esu kuli Nduwe, a buntu bwesu—bwesu, a mibili yesu, a ncito zyesu, a matalenta esu. Elyo zyoonse nzyo tujisi, twa zyaaba kuli Nduwe. Elyo mbuli Mbo langa kuli ndiswe, Mwami, ikuti na kuli cibi citanavumbwa a citana lekelelwa, inga twa Ku lomba, O Mwami Leza, kuti Uyo bikka Bulowa bwa Mwana Wako, Jesu, kubusena buli boobo. Nkambo, mukuziba kuti tobeni ta tukkwansiysi, alimwi kuya nciyumu kuli ndiswe kusola kuli mamela tobeni. Pele tu langila cakumaninina ku Bulowa Bwakwe buyandisi, a luzyalo Lwakwe kuzibikka ku lugwasyo lwesu, kuti to basizibi bateleli inga twaboola acamba buzuba bumwi mu Busyu Bwako, kuleta kumbele lyesu Bulowa obu bwa Mwami Jesu. Kwalo, Yebo, ku ciindi cakale, waka citambula kuba Bulowa bwa Mwana Wako simuzyalwa alikke, alimwi wabamba cisyomezyo, kuti, “Kwiinda muli Nguwe, ikuti na twa lyaamba zibi zyesu, tuyo lulamikwa ku luse Lwakwe.”

²⁸ Elyo lino inga twa lomba, Mwami, kuti Uyo tujatila kulubizya kwesu kuli koonse, cibi cili coonse cakuleya na nsotoko, mulandu, cakuti na muzeezo uuli oonse mubi wayasa buntu bwesu, kwiinda ku mimvwi iipya ya dyabulosi, kuteeti Uyo tanda sinkondo Wako oyu mubi, a wa bantu Bako.

²⁹ Elyo inga twa lomba kuti Ula tuma Muuya Uusalala kubweza Ijwi ku ciindi eci, mbuli mbo tulipa kuba zibelesyo, kuti inga Uyo ambaula kwiinda muli ndiswe, a kumvwa kwiinda muli ndiswe, Ijwi Lyako. Elyo akube kuti mu kulumba tu Ci tambule mbuli kuzwa kuli Nduwe, a kusiya busena obu, sunu, kulimvwa kuti twa bambululwa kuntaamo ini ya buzumini bwa Kristo; kuti inga twaba beelega kabotu ku kuswaangana sunu masiku a juunza, nkaambo kakuswaigwa kwa Muuya Uusalala.

³⁰ Longezya bakwesu ku masena oonse, mabungano ku nyika mbwizulwa, bajatilide kapati ku Ijwi lya Buumi mu buzuba bubi buno. Tu limvwa kuti kwiina ciindi cisyeede ca kubeleka, nkambo busiku bula boola mucibukilambuta. I makumbi aa nkondo aibauka alubo. Bubi buli afwaafwi, nkabela twa komba kuti Uyo tulekela kubeleka kwiinda mbuli kutana citikide. Kopumuzya mibili yesu eyi iikatede, Mwami, nkabela tujosye mu nkondo. Nkambo twa cilomba mu Zina lya Mwami Jesu, a ku bukanze Bwakwe twa lomba. Ameni.

³¹ Mbuli mbo tujula, kuseeni kuno, i Bbaibbele, ku i—i capita 11 ya Bbuku lyaba Hebrayo.

³² Bwatatu masiku twakali kwaambaula aa capita 7 ya Bbuku lyaba Hebrayo, ya “Melikesedeki, walo kanyina bausyi, alimwi kanyina banyina, kanyina matalikilo aa mazuba, na mamanino aa buumi.”

³³ Elyo Nda yeeya, ndiza, kuseeni kuno, ndiza inga ceelela kujula alubo Bbuku eli bbotu loko, mukuba kuti tujisi intalisyo kuli nco tu yanda kwaamba, ku bupanduluzi bwa kainda. Elyo kusotoka kuya ku capita 10, a capita 9, iili milao ya zipaizyo, inga twa boola mu kasena ka “lusyomo.” Elyo muno mu Bbuku lyaba Hebrayo, capita 11, a kutalikila kampango ka 23, tu Li bala mbuli obu:

Ku lusyomo Musa, cindi naakazyalwa, wakasiswa a bazyali bakwe kwa myeezi yotatwe, nkaambo bakamubona kuti wali mwana mubotu; nkabela taakwe noba kayoowa mulao wa mwaami.

Ku lusyomo Musa, cindi naaka komena, wakakaka kwaambwa kuti mwana wamwana musimbi iwa Farao;

Wakasala kwalo kupenzegwa mu mafwabi antoomwe a bantu ba Leza, kwiinda kubotelwa misaalo ya cibi iimana buyo;

Kweezezya kusampaulilwa Kristo kuti mbuwubi bupati kwiinda lubono lwa Egepita: . . .elyo wakajisi kuvola ku bulumbu.

Ku lusyomo wa kapola mu Egepita, ka tayoowi bukali bwa mwaami: nkaambo wakali bilamine, mbuli wakabona yooyo waciimo citabonwi.

³⁴ Ndi yanda kubweza ciiyo, kuseeni kuno, “kusala ku lusyomo.” Elyo Ndi yanda kubweza cibalo, mabala otatwe akusaanguna ku kampango ka 23, “*Ku Lusyomo, Musa.*” Elyo, “kusala ku lusyomo,” zintu zyoonse zinji nzyo tucita, twe elede kusala ku lusyomo. Elyo zyoonse nzyo tujana kuti Musa wakacita, ezyo zyelele kuloolola, zyakali ku lusyomo; kutali ku kubona, pele ku lusyomo.

³⁵ Elyo kaambo nko Nda salila eci kuseeni kuno, kwa mbungano muciiimo eci, cali cakuti muli zyesu. . . akwalo zikolo zyesu, a koonse, tu jisi kwiiya kunji kwa sayansi. Nkaambo ka ceeci, twa kwela bantu kuzwa ku lusyomo. Lino, lusyomo talu tondezegwi ku sayansi. Lusyomo nceeco sayansi ncoyi taboni. Elyo twa. . . Ikuti na twa sweekelwa lusyomo olu lupati, nkokuti tuli mu mudima cakumaninina, ci. . . takukwe makani nzila mbo tuyiide kabotu, nzila mbo tukonzya kupandulula Ijwi lya Leza, kweelelele nzila yesu iini ya kusyoma.

³⁶ Taakwe nzila yakusola kubotezya Leza, cita ku lusyomo. I Lugwalo lu caamba atangalala boobo, nkabela nkwiinda ku lusyomo. “Elyo kakutakwe lusyomo,” lulaamba Lugwalo, “ta cikozeki kubotezya Leza.”

³⁷ Aboobo, kuti lusyomo lwa kazyanya aa sayansi, alimwi sayansi ya kazyanya aa lusyomo, eco cizibika ku—ku manenekela kuli cimwi acimwi, mpawo twe elede kubweza kusala mbuli Musa mbwa kacita. Ku lusyomo tula syoma!

³⁸ Lino, ikuti twa sweekelwa lusyomo, mpawo ta tukakonzzyi kuvwiilwa mipailo kuli Leza. “Nkambo oyo uboola kuli Leza weeledede ku syoma kusaanguna kuti Mpali, nkabela ngu sikupa bulumbu kuli baabo ba Mu yandaula camoyo oonse.” Aboobo, ikuti na twa sweekelwa lusyomo, mipailo yesu taitambulwi camulao; kwiina nko tuya.

³⁹ Aboobo nku koonse nko tukonzzya kuyeeya, kuseeni kuno, nku jatilila ku lusyomo. Mpawo, ikuti na twa sweekelwa lusyomo, bulangizi bwesu boonse bwamana. Elyo ikuti na twa sweekelwa lusyomo, koonse kasimpe kesu ka kumuuya kamana. Nkambo, tokonzzyi kuba a lusyomo mu zintu ezyo nzyobona, nkambo zintu nzyobona zyoonse zila nyonyooka.

⁴⁰ Ikuti na twa langa ku muntu umwi mulemu, mukambausi mulemu, na mbunga mpati, zyoonse ziyo nyonyooka, buzuba bumwi. Elyo ikuti na twa langa ku cisi cilemu, na zilwanyo zipati, zyoonse ziyo nyonyooka, buzuba bumwi. Elyo mpawo twe elede kuponena ku lusyomo, ku zintu ezyo sayansi nzoita tondezyi. Nku lusyomo nko tu syoma.

⁴¹ Lino, tula sweekelwa bulemu bwesu ikuti na twa sweekelwa lusyomo. Lino, ikuti na twa zwaku lusyomo, mpawo tu tola mbungano mu cilao ca bupampu.

⁴² Elyo ziindi zinji, caka yeeyegwa, aakati ka bantu, kuti nkaambo mbungano yakali mpati, alimwi baka jisi mabungano mapati, ingazi zipati, a bantu, balemu banji bapaale a basamide kabotu, a kunji kwa zyamali, kuti bala konzya kuula cintu mbuli ceeco, swebo, zindi zinji, twa kayeeya kuti oko kwakali kunanikwa, kuti mbungano eyi imwi yeeledede kuti ili nanikidwe. Na, lyoonse twa kaamba ku bakambausi bandeene abo bainka mu milimo a kuba a kubungana kupati kwa baswiilizi, elyo tula yeeya, ziindi zimwi, kuti nzitondezyo zya bunanike. Pele ayo tali masimpe amaninide. Obo mbo bunanike bwa buntunsi.

⁴³ Pele bunanike ncobeni buboola kwiinda kukucita luyando lwa Leza. Mwabona? Naa njimwi, na mweelwe musyoonto buyo. Naa ni mbungano mpati, na mbungano nsyoonto, taci jisi makani. Naa walo mukanazi, mulemu uukubwene, na muntu utazi ma ABC akwe nokuceya, taci jisi makani. Ci tola buyo mulumbe oyo ngwaleta, naa uli nanikidwe kwiinda ku Ijwi lya Leza, na, sa uli nanikidwe kwiinda ku miyeeyo ya bupampu iya bunanike bwa buntunsi?

⁴⁴ Bantu bamwi bala konzya kunanikwa nkaambo ka mukanazi uukubwene. Eco ta cicibambi kululama. Ziindi zimwi bala nanikwa nkaambo muntu oyu wakaiya maningi cakuti inga

watonkomeka kabotu kaambo kakwe. Eco ta caambi kuti nca Leza. Mwabona?

⁴⁵ Nkwiinda buyo ku Ijwi liteeli, ilya Leza lilelekedwe lya Butamani, nko tu konzya kutambula bunanike, alimwi kula pegwa kwiinda ku Muuya Uusalala. Ku lusyomo tula citambula.

⁴⁶ Lino inga twa yeeya Musa, a ciindi eci cipati ca buumi bwakwe. Elyo tula jokela kubala, zya kuzyalwa kwakwe, mbuli Leza mbwaka mubamba, pele cakasika ciindi mu buumi bwa Musa oko nkwakaba a ciindi ca kusala. Ikuti na twa bala kabotu, tu jana kuti wakali mwana mulombe wamwana musimbi wa Farao, elyo wakali sikukona ku cuuno cabwami, elyo nakaba farao uutobela mu Egepita. Aboobo naka konzya kuziba mbuli mbwa kulanga koonse, nakamana kukomena akuba a ciimo cakuvwilila twaambo, alimwi kuya nokwa kaba bazike babeleka mu zilindi zya daka. Elyo Musa, mbuli mbwa kalanga kwiinda mu mpulugwido ya ng'anda iya bwami, ku bazike mbabonya abo Farao mba keebela, pele ino lwakali lwandaano lwakaliko mukulanga.

⁴⁷ Ndi yanda kusimpika muzeezo oyo, kuseeni kuno, kwa maminiti masyoonto, elyo akube kuti Leza wa Julu awaambilisisye cakumvugwa ku myoyo yoonse kuno. Cili mbuli mbo langa ku cintu cili coonse, eco cibamba lwandaano.

⁴⁸ I muvangeli mulemu, John Sprawl, oyo wakali musanduki wa mulimo iwa Mukwesu Bosworth, oyo no banji ngo mu yeeya kwa myaka yakainda, wa Ciyobwedo Cabulemu Cipati. Wa kati, buzuba bumwi wakali kubweza lweendo, kakutanaba kufwa kwa mulongwe wakwe a mukaintu wakwe. Bakali mu La Salle, Lorraine, France. Elyo Nda kajisi coolwe cakuswaya busena mbubonya. Elyo mweenzyi wakali kubatola kubusena kwiinda mu myuunda, a kubatondezya zintu zyandeene. Elyo bakasika ku cibumbwa cimwi ca Mwami Jesu, i kubambulwa. Elyo Ba. Sprawl bakali imvwi kulaale, ka cilanga, walo a mukaintu wakwe, alimwi, mu myoyo yabo, bakali kukazya eco sikubumba nca keelede kuti wakali jisi mu muzeezo wakwe, na mubumbi, mubwini, cindi na kabeza bbwe, cintu boobo cakali kuboneka kwiiminina kupenga a luyando a luse lwa Mwami Jesu, a nzila mbo cakali kuboneka kugalangana koonse a kuboneka kubezwa. Elyo mweenzyi waka boola kuli Ba. Sprawl, elyo wa kati, “Munene, Ndi yeeyela kuteeti uli mukukazya cibumbwa eci ca Mwami Jesu.”

Elyo wa kati, “Ndacita.”

⁴⁹ Elyo wa kati, “Ta ndi gambide nokuceya, nkaambo bantu banji ba cilanga, kusanguna, bala cikazya.”

⁵⁰ Elyo Ba. Sprawl ba kati, “Nkaambonzi, ta Ndi konzyi kubona luse luli loonse na bunanike buli boonse kuzwa ku kulanga cintu cili boobo, aboobo Ndili mukugambwa kaambo mubumbi coonse nca kacibamba mbuli obu.”

51 “Elyo mubumbi. . .” Kati, “Ba. Sprawl, eci cibumbwa cili biyo kabotutu, nkabela mubumbi waka jisi cintu ciluzi mu muzeezo wakwe. Pele awo ali penzi, nkuu li nduwe. Ni nzila mbo cilanga eci.” Elyo waka mubweza walo a mukaintu wakwe ku janza, a kubasololela kuselelo ku cipaililo ku mamanino aa ciingano eci cakaambwa. Elyo wa kati, “Lino, Ba. Sprawl, amulange mujulu lino.” Elyo nakalanga mujulu, wa kati moyo wakwe wakatii wizuke. Ino lwakali lwandaano, kwiima kulaale a kucilanga nzila *eyo*, a kuselemuka a kucilanga nzila *eyo* mbo cakabambwa kulangwa.

52 Elyo *eyo* nje nzila Leza mbwabede. Eyo nje nzila lusyomo mbo lubede. Ni nzila mbo cilanga. Ikuti na walilanga mbuli kuti ndi Bbaibbele lya makani akale, na cimwi ca mazuba akainda, to kajani bwini bwa mu Bbaibbele. We elede kufugama, a kutobela milao ya Bbaibbele eli, a ku Li langa a meso aku Muuya Uusalala.

53 Ndi yanda kubuzya nkamu eyi ya baswiilizi, kuseeni kuno. Mbubotu nzi Leza wamakani aakale nca tucitila sunu ikuti na Tali Leza nguwenya? Mbubotu nzi Leza mbwacita, oyo wakabweza Musa a kucita maleele a nguwe ayo nga kacita, mbubotu nzi mbocinga catu citila kubala Leza uli boobo ikuti na Tali Oyo nguwenya sunu? Mbubotu nzi Leza oyo waka konzya kuvuna kuzwa ku bbila lya mulilo, bana ba Hebrayo, ikuti na Tali Leza nguwenya sunu? Mbubotu nzi Leza oyo wakali kubeteka aakati ka baluleme a balubide, mu buzuba bwa kainda, a kusubula balubide a kuleleka baluleme, ikuti na Tali Leza nguwenya sunu? Ino twiinkila nzi ku mbungano? Nkaambo nzi nco tuli kasya ku zintu zya nyika, ikuti na Tali Leza nguwenya wa lubeta ndulonya, a muzeezo nguwenya Mbwa kabede lyoonse? Mbubotu nzi mbo cinga caba kuli Leza oyo wakali kukonzya kuguma kwaanza kwa mwanakazi ujisi ntuntumanzi yanguzu, nkabela ntuntumanzi kuleka, ikuti na Tali Leza nguwenya sunu? Mbubotu nzi mbo cinga caba kubelekela Leza oyo wakali kukonzya kwiita Mweenzinyina kuzwa ku cuumbwe, kumane kufwa mazuba one, ikuti na Tali Leza nguwenya sunu?

54 Ku lusyomo tula syoma kuti buzuba bumwi bwabulemu Uyo twiita kuzwa ku bulongo, nekubakuti tuli itwe muli conco cindi cimbi. Mbubuti mbo tu citondezya? Ta tu citondezyi. Tula cisyoma. Ta twaambilwi kutondezya cintu cili coonse. Twa ambilwa ku cisyoma.

55 Ku lusyomo Musa wakacita *ceeci-a-ceeci*. Elyo mbuli Musa, mbuli mwaalumi mukubusy, wakalanga kwiinda mu mpulugwido ya ng’anda iyabwami, ku bazike, wa kabona njionya nkamu ya bazike bakalambwa daka, basitombe, bateebeki pe abo Farao mba kabona.

56 Elyo cindi Farao naka balanga, elyo ba Egepita, tii bakali cintu cita nkamu ya bazike. Oko nku koonse nkoba kali babotu;

bantu buyo basikukanda daka, kupanga matina aa bulongo ku lugwasyo lwa madolopo ayo Farao ngakali kuyaka. Eyo nje nzila ba Egepita a Farao mbo bakalanga ku bazike.

⁵⁷ Pele Musa, cindi naka balanga, bwakali bulange bumbi Musa mbwa kajisi. Cindi na kabona, kainda kumbali lya mpulungwido, mankolyo mu masyu abo, misozi eyo kaimbulumukila aa masaya abo, a mibili yabo yaka diimene, waka balanga kuba bantu ba Leza. Ta kabalanga kuba bazike. Wa kabalanga kuba basalidwe ba Leza.

⁵⁸ Elyo, oh, mbuli mbo Ndi talika kubeleka, kuzwa ku cisi kuyaku cisi, a musyobo kuyaku musyobo, kukambauka! Kuzwa ni Nda kasiya milyango ya cikombelo eci ciniini, eco cili nkabunga kaabanwa aa tubungwe twandeene, katakwe mulao pele luyando, katakwe bbuku pele Bbaibbele, a katakwe kansiyansiya pele Kristo, Nda sola kulanga ku bana ba Leza, a kuli bakakidwe, kuba bakasalwa iba Leza a bantu basale. Ta ndi babuzi ikuti na bazulilwa ku Branham Tabernacle. Ta ndi babuzi ikuti na mba Methodisti, na ikuti mba Presbyteria, na ikuti mba Pentekoste, na mba Nazareni, na mba Pilgrimu Holinesi. Ndi yanda buyo kubalanga mbuli bantu ba Leza. Elyo kubona incito zyabo a kulilemeka kwabo, kuti mbalanda ba Mwami Leza. Elyo moyo wangu uyanda luswaanano ambabo, takukwe makani na bajisi impa ili buti. Ndi yandisya buyo luswaanano lwabo. Nda bayanda nkaambo Ndi lizi kuti mbantu ba Leza.

⁵⁹ Cindi Nda bona mwanakazi kaselemuka mu kagwagwa, a musinsi mulamfu, a masusu akwe kabambidwe kabotu kusule, a—a kusama kuboneka kabotu; alimwi Nda bona mulindu umbi mukubusyi, ndiza kukomena kweelene, kasamide kabbudula kaniini; inga kabede, mu buboneki, kubota kubili mbuli mwanakazi ujisi masusu malamfu, kweendelana ku buboneki bwa nyika, pele Ndiyo bweza lubazu lwangu kuba a musimbi oyo uusamide mbuli Munakristo. Nekubakuti bano museka, a kumwita kuti sikwiindilizya, nekuba, Ndiyo bweza lubazu lwangu. Inga katanooli mubotu mbuli musimbi umwi, munzila yabupange, pele ula bona cintu cimwi. Ku lusyomo ula Mu bona Oyo uotalibonyi, Oyo weenzya buumi bwakwe.

⁶⁰ Cindi Nda bona mwaalumi aa ncito, kaitwa kuti “daikona,” na “i mukambausi,” na “i sikwiindilizya,” nkaambo ula kaka kufweba, a kunywa bukoko, a kuyaku zizyano, mbuli bamwi bambi, nkabela witwa kuti “i sikwiindilizya,” moyo wangu ulaba a bulongwe a nguwe. Walo mukwesu wangu, ansi mu bulongo ibwa Egepita, eco cipanga moyo wesu kukukamina ku mbukata a kwaamba, “Mukwesu, tuli bamuzwakule a beenzu, ba nyika eyi, alimwi Ndi sukamina kuba a luswaanano a nduwe.”

Musa waka bamba kusala, kusala ku lusyomo.

⁶¹ Mbangaye baalumi bakubusyi bakali noonga batambula cakuvwampila ciimo ceelede cakuba mwana mulombe wamwana musimbi wa Farao! Mbangaye baalumi bakubusyi bakali noonga bavwampila coolwe eco Musa nca kajisi, kubotelwa misaalo yoonse a bweebesi bwa nyika, kuba mwaami wa Egepita, kuba a nyika yoonse ku bweendelezi bwakwe! “Ino ncintu cabufuba,” kuti baalumi bakubusyi ba buzuba bwakwe mbo bakeelede kuyeeya, “cindi Musa nakasala kubweza busena bwakwe antoomwe a bantu ba Leza bapengede a bafwaba.”

⁶² Nkaambo nzi ncaka cicita? Ku lusyomo, cindi nakatambya meso akwe, wa kalanga kwiindilila bweebesi bwa nyika eyi. Wa kalanga kwiindilila misaalo ya cibi. Elyo Bbaibbele lyakati waka bilamina ku Mu bona Oyo waka tali kulibonya, ku lusyomo, alimwi waka bamba kusala kuti a belekele Leza oyo kakutakwe kubikkila maanu kuli eco cakacitika.

⁶³ Ta cina cinca. Bunji bwesu inga twa unka kuli eco ncotwiita kuti mbuyake bubotu. Inga twa botelwa, ndiza, luswaanano a misaalo ya kukkala mu zyuuno zibotu. Inga twaba basimpuwo loko, kunywa a kufweba, a kusama a kulilemeka mbuli nyika. Pele ino makani niinzi? Wa tambya meso ako, nkabela ku lusyomo ula Mu bona Oyo uotalibonyi, nkabela wabweza kwiima kwako antoomwe a bakakidwe a bategwa babumulusi basalala iba buzuba. Nkambo ku lusyomo tula Mu bona Oyo uotalibonyi, kusala kuyaamwa mapenzi a mafwabi.

⁶⁴ Inga tii ndaamba ku bantu kuti basale kupenzegwa. Ta ndaambi kuti mweelede kusala kupenga. Inga tii caba cintu ca buntu pe kucita. Pele ikuti na kupenga kubikkidwe munzila ya mulimo, nkokuti atu kubweze mbuli mbo kuboola. Ta ndiyandi kuti mucite cintu cimwi ca muntu umwi ku kusobanya buyo. Inga tii ndayanda kuti mwaambe zintu zyandeene, cakuti, “Ndili i. . . Ndi zulilwa ku mbungano eyo itasyomi muli *boobu-a-boobu*, muli ya nyika,” a zintu mbuli ezyo, kubamba buyo bantu kuti ba kufubaazye. Yebo uleta eco aali nduwe. Inga tii ndaamba kuli ndinywe kuzwa kuno a kuzumanana a kucita cintu cimwi eco cakali canguzuuzu. Inga tii nda yanda kuti ucite eco, kutegwa muntu umwi inga waamba kuti uli sikwiindilizya. Yebo uleta eco aali nduwe. Pele ikuti na cibikkidwe munzila yako ya mulimo kuli Leza, lekela nyika yaambe eco nco iyanda kwaamba. Yebo ula zumanana kupona.

Yebo ula bamba kusala. Oonse mwaalumi a mwanakazi weelede kubamba eci.

⁶⁵ Ino ikuti Farao nakabona eco Musa nca kabona? Wa kabona kupenga kwa bantu. Wa kalizi muulo oyo ngwa keelede kubbadela. Pele ku lusyomo wa kacisala, kwiinda kuba a misaalo ya cibi.

⁶⁶ Ndiza kuli, balindu baniini bakkede awa, mbuli banakazi bakubusyi babweebesi. I nyika inga ya yanda kwaamba kuli

ndinywe, “Amucite *boobu-a-boobu*. Muli babotu. Mibili yanu ibumbidwe kabotu maningi. Nywebo mweelede kutondezya eyo.”

⁶⁷ Pele, mucizi wangu, ko tambya meso ako a kulanga kwiindilila eco, kuli Nguwe oyo wakati, “Ncisesemyo ku mwanakazi kusama cikobela eco ca mwaalumi.”

⁶⁸ Ikuti na balombwana ba bantu mu bukkale bwanu, ikuti na banakazi mbo munjilana limwi, bakati, “Kogela ayo masusu malamfu. Kuyo tontola maningi. Kuyo ba *obu, obo, na bumbi*.” Na, “Kuyo kubamba kuba kabotu.” Uta swiilili kuli eco!

⁶⁹ Kotambya meso ako, elyo ku lusyomo waka Mu bona wa kati, “I masusu a mwanakazi mbulemu bwakwe, nkabela ata kaageli pe.”

⁷⁰ Ikuti na baamba, “Ci yooba campuwo. Inga waima kabotu ku ncito yako, na kuli simalela wako, ikuti na inga wanywa bukoko cabuleya. Ikuti na inga wafweba misanga ya tombwe mbuli banakazi bamwi, yebo inga waima cabuleya loko mu cooko cako.”

⁷¹ Ku lusyomo ko tambya meso ako a kulanga kuli Nguwe Oyo wa kati, “Kosofwaazya mubili oyu, elyo Ndiyo unyonyoona.” Ku lusyomo tula syoma zintu ezyo. Taakwe eco ncobona. Ncintu cimwi nco syoma. Ku lusyomo, Musa wakacita.

⁷² Elyo mu lweendo olu lwa lusyomo, kula boola ciindi awo no kweelede kuba a kusala.

⁷³ Lota waka bamba bulubizi obo buleta kuusa mbuli mbo tubamba. I ziindi zinji tula sala a kuli botelezya lwesu. Tula sala zintu ezyo ziyooaba zibotu.

⁷⁴ Ciindicimwi ikuti na kwaba kuzwangana kuniini mu mbungano, elyo muntu umwi inga waamba kuti, “Ee, daikona na mweembeli uli ku lubazu olu.” Uta langi kuli eco. Kolanga kuli eco ciluleme. Gwisya cintu eci a kubaleta boonse antoomwe. Obo mbunaleza.

⁷⁵ Nkooko kusala. Elyo tula lisalila tobeni. Tula sala cintu cimwi eco citugwasya.

⁷⁶ Pele Musa wakasala mapenzi a mause, kuti akonzye kweenda a bantu ba Leza. Ko ciyeeya lino. Ci swiilile. “Wakasala mapenzi aa bantu ba Leza, a ku ceelelezya kuba lukono lupati maningi, nkambo wa kabilamina, ku Mu bona Oyo wakali muciiimo citalibonyi.”

Lino, Lota, ciindi cimwi, waka bamba kusala.

⁷⁷ Elyo inga caba, kuseeni kuno, kuti kuli baalumi a banakazi bakede awa, bayo bamba kusala kwa mamanino. Muli sunu mbuli mbo mubede, nkaambo myaka misyoonto yakainda mwa kasala kuba mbo mubede lino. Elyo eco ncomusala lino ciyo tondezya mbo mutikabe myaka yosanwe kuzwa sunu. Myaka

yosanwe kuzwa sunu ndiza unooli missionari. Myaka yosanwe kuzwa sunu ndiza unooli Munakristo uuzizilwe.

⁷⁸ Na, myaka yosanwe kuzwa sunu ndiza unooli ku gehena, nkaambo wabamba muzeezo utaluleme. Myaka yosanwe kuzwa sunu ndiza uno pukuta mate mu zinywido zya makoko. Myaka yosanwe kuzwa sunu ndiza unooli sibwaamu mu kagwagwa.

⁷⁹ Na, ndiza unooli mwaalumi na mwanakazi oyo—oyo uulumbaizigwa mu bukkale buli boonse, nkaambo ka kusala kwako kwa Kristo. Myaka yosanwe kuzwa sunu ndiza unooli mu Bulemu, koinkide mu Kukwempwa, nkaambo wabamba kusala kwako sunu.

⁸⁰ Pele mweelede kusala. Elyo mutalangi kuli eco ncomubona. Amusale eco ncomubona ku lusyomo. Eco nce cintu buyo cino jisi makani, nceeco nco musala ku lusyomo.

⁸¹ Lota, mbuli mbwaka bamba kasala. Abrahamu wakapa Lota kusala kwakwe.

⁸² Elyo Leza ulakupa kusala kwako. “Amusale buzuba buno oyo ngomuyo belekela.” Mu muunda wa Edeni kwakali musamu wa—wa luzibo, a Musamu wa Buumi. Muntu wakapegwa coolwe ca kusala umwi ngwakali kuyanda. Elyo mbocibede sunu. Wapengwa coolwe cako, mbuli basikulisalila kulilemeka, kusala kufumbwa cintu nco yanda.

⁸³ Ku kulwaizya kuli nduwe, nkwakuti, utalangi zintu zyasunu ziku zyungulukide, a zyampuwo a bweebesi mbo mukonzya kuba. Pele sala, mubwini, ku lusyomo, Oyo uupa cisyomezyo kuti buzuba obo bumwi Uyo boola a kululamika zyoonse zilubide, nkabela uyo kupa Buumi Butamani, a ku kubusya. Takukwe makani ikuti na wasala nzila ya bace basampaulwa iba Mwami, ko bamba kusala oko. Ikuti na kuli mapenzi ali mukucitika, ikuti na kuli mapenzi mu cooko, ikuti na kuli mapenzi mu mbungano, ikuti na kuli mapenzi mu ng’anda, takukwe makani oko nko libede, ko bamba kusala, “Ku lusyomo, Ndiyo belekela Leza. Ndiyo bombya moyo wangu mu Busyu Bwakwe. Ndiyo sala nzila antoomwe a bana ba Leza. Nda bona bakasampaulwa a kukakwa, a kutandwa a kusekwa, pele Ndiyo bweza bulizi bwangu. Ndiyo kkala ncobeni kuli nkuko. Elyo cindi balila, Ndiyo lila abalo. Elyo cindi kwanooli kuusa, Njo usa abalo. Nzila mbo bapona, Ndiyo pona.”

⁸⁴ Mbuli Naomi wa kati...Na, Rute wa kati kuli Naomi, “Inzila zyako ziyoooba inzila zyangu. Inzila zyangu ziyoooba inzila zyako. Oko nko kkala, Ndiyo kkala. Oko nkoya, Ndiyo inka. I Leza oyo ngo belekela uyooba Leza wangu.” Bweza kusala oko, nekubakuti cikubamba kusweekelwa nguzu zyako nzizyonya, aa kuyeeya kuti uli muntu mulemu. Kolyaaba kusweekelwa nguzu zyako a kubweza nzila yako ya bace basampaulwa iba Mwami, a kukkala cakusyomeka ku busena bwa mulimo a ku bulizi.

⁸⁵ Lota wakalanga koonse. Wa kati, “Nda jana kusala.” Elyo wakalanga ku Sodomu. Wa kabona mabanda aa bwizu bunji aka kali mabotu kwiinda Abrahamu nga kabona, a kooko Abrahamu nkwakabede. Wa kabona zyoolwe zya kucezezya ng’ombe zyakwe, kuba a ng’ombe zineneede a zibotu maningi.

⁸⁶ Nda syoma Nseli mukunyonganya kulimvwa kwa muntu uuli oonse. Pele oko kwakali kwiima kwa bakambausi banji loko, kulimvwanya aa Makani mabotu, kaba yeeya kuti bajane mali manji kuzwa kuli ngawo. [Mukwesu Branham wakamba maanza akwe ziindi zyatatwe—Mul.] Sikuyanda kuvola buyo! Inga ndasala kupona mu nyika itazyali, kulya, kunywa ku kalonga, a kulya tubbisiketi twa kajikwa aa soda, kwiinda kulimvwanya ku kulamwa kwa lusyomo lwangu mu Ijwi lya Leza muumi. Ndiyo bweza nzila yangu.

⁸⁷ Bamwi babo ba kati, “Billy, ndipenzi nzi ku miswaangano yako, nkaambo kuli ba Pentekoste banji loko kuli njiyo.” I mukambausi mulemu wakabungwe wa kaamba obo.

Nda kati, “Sena kabungwe kako kayoogwasya muswaangano wangu?”

⁸⁸ Kutali ciindi cilamfu cainda, mu *Look* magazini, Nda syoma, kwakali caano. Elyo mulembi wa kati kuya, kaambaula kujatikizya bantu ba Pentekoste. Wa kati, “I mbungano ya Pentekoste ni mbungano ikomena cakufwambaana loko mu nyika sunu.” Nkaambonzi? Nkaambo baalumi a banakazi bakasumpula meso a kulanga kulaale loko.

⁸⁹ Elyo mulembi awalo waka lumbaizya bantu ba Pentekoste. Oh, mu bwini, wa kati, “Kwakali bamwi babo bakainka munzila ya nguzuuzu, a zimwi zimbi. Pele, wa Methodistu ulakomba kansiyansiya. Bala komba Leza kwiinda ku kansiyansiya. Wa Baptistu ulacita mbubonya, a ba Presbyteria. Pele wa Pentekoste ula komba kwiinda ku Bbaibbele lyakwe.”

⁹⁰ Ku lusyomo tula bona cisyomezyo. Ndiyo bweza caabilo cangu ambabo, nekubakuti bala sampaulwa, Ndi cili umwi wabo. Nekubakuti bala sekwa, a kuba muziimo zyandeene mubweende boonse, mbuli Israyeli mboya kacita, Ta ndi kayandi kwiima a musinsimi mubeji kuselelo lya cilundu, i Balamu, a kusola kusinganya eco Leza nca kaleleka. Nkaambo, mu cilabba eco kuli Mwaala wakaumwa, a Cituuzyo ca bulowa bunji, a Musumpululu wa Mulilo. Takukwe makani omo mobabede, cila zamanana ku basololela ku luzundo, alimwi beelede kuboola kuli ncico, nkaambo mbantu baka syomezegwa abo beenda ku lusyomo. Nekubakuti tabali bakabungwe, bakali basikutuntulika koonse, nkabela bantu ba Leza mbo babede. Pele Ndi yanda kubweza nzila yangu a mbabo, kubeleka a mbabo mu bukanze bwa ziimo zyabo; kutali mu kabungwe kabo, pele mu luswaanano lwabo koonse ku buzumini bujiswi maningi bwa Muuya Uutamani wa Leza, kwiinda, ku lusyomo Nda katambula

lubbizyo lwa Muuya Uusalala. Leza ndigwasye kuba a ciimo eco lyoonse.

⁹¹ Amubone. Mbuli mboba keenda, tu jana kuti Lota wakabona ziimo zyeedelede i—i zya ng’ombe zineneede. Banji bala bona ziimo zyeedelede zya nkomo zizwide. Banji bala bona ziimo zyeedelede zya kwiima kubotu kwabuleya. Wa kabona ziimo zikonzeka zya madollar masyoonto ambi. Wa kabona ziimo zikonzeka zyakuba mulinguzi wa dolopo. Mbwa kali mweenzu, a mwaalumi musongo weelela, mbuli mbwa kabede, “Ndiza Inga ndiyooba mwaalumi mupati wa dolopo.” Wa kabona ziimo zikonzeka nkaambo zyakali bikkidwe kumbele lyakwe. Pele ta kaubona mulilo oyo wa keelede kunyonyoona nyika. Ta kali yanzanya, kuti nyika yakazwide cibi, elyo Leza wakacita kwiinyonyoona.

⁹² Elyo, sunu, bantu basola kuli yanzanya kwiinda ku kwaamba, “Sena uli . . .?”

Njo amba, “Sena uli Munakristo?”

⁹³ Ba laamba, “Ndili muna America.” Eco tacikwe buyo cakucita a ncico kunze lya kusola kwaamba kuti cikwaangala wakali cula. Ta cijisi cintu cakucita a ncico. [Mukwesu Branham wakamba maanza akwe ciindi comwe—Mul.]

⁹⁴ Iyo nyonyoonwa, nkaambo Leza uliluleme. Elyo ikuti na America iiyo subulwa ku cibi cayo, Leza uusalala sikulyeendeleya, a uululeme uyo sinikizigwa ku—ku busya Sodom a Gomora elyo akulilekelela kuli njiyo ku kuyuumpa do, nkaambo ka zibi zyabo; ikuti na Wa tulekela kuta subulwa kuli ncico.

⁹⁵ Ikuti na Wa kuleka kunjila ku Julu aa milimo yako iitaluleme, Uyo elela kubusya Ananiasi a Safira a kubapa ciindi cimbi. Uyo cita ncobeni. Pele Uli luleme. Ananiasi wakabona mali akwe. Petro waka bona Kristo.

⁹⁶ Oh, ma! Lota takabona lunyonyooko lwa bana bakwe mu busena obo.

⁹⁷ Bunji bwanu, sunu, kamujatilide koonse ku tunsiyansyiya otu twakaindi tuzuminwa camulao a zintu, tamu boni cilengwa ca bakubusyi mukucita milandu a lunyonyoko lwa bana banu. Tamu boni bana banu basimbi mu ng’anda ya bwaamu. Tamu boni bana banu balombe kabali bakolwi, na tafule lya njuka ku busena bumwi.

⁹⁸ “Nkaambo ilitilaidwe kabotu.” Elyo cibi ta cijatwi. Ta kabona mukaintu wakwe, mweendelezi wa nsangano zyoonse, kasanduka kuba ndomba lya munyo, cindi nakali kulanga. Ta ka mubona kaloboka buyo mukusyanikila kupati, ku dolopo lisyoonto kubusena bumwi, nkambo ka buumi bwakwe. Ta ka bona eci, nkaambo waka langa buyo kuli eco nca kabona kumbele lyakwe.

⁹⁹ Pele, Abrahamu, ta kaziba nyika iya katilailidwe kabotu, nkaambo wakatambya meso akwe a kubona ciindi ciza, nkaambo wa keelede ku kona zintu zyoonse. I Munakristo wini sunu utambya meso akwe a kubona cisyomezayo ca Kristo: “Bali acoolwe babombe ansi nkambo bayo kona zintu zyoonse. Bayo kona nyika.” I Munakristo wini, ku lusyomo, ula lungumana a kubona eco. Komwiita eco nco yanda. Wa katambya meso akwe. Elyo cindi nakacita eco, Leza wakati, “Abrahamu, koenda moonse mu nyika, nji yako yoonse.” Ku lusyomo, Abrahamu wakacita eci; lusyomo ndulonya olo Musa ndwa kajisi.

¹⁰⁰ Ca kalembwa aumwi mukanazi ali zicitika, wa kaamba eci. Ndi yeeya kuti akali majwi mabotu maningi. Kuti Abra-... “Musa waka bweza bubotu bwiinda bwa nyika a ku bubikka mu ceelekelo cimwi; aciimo caansi ca bukombi, a kucibikka mu ceelekelo cimbi; aciimo caansi ca bukombi ca kalema kwiinda bubotu bwinda ibwa nyika.”

¹⁰¹ Aboobo mbo cibede sunu, ikuti na twa itwa cintu cili coonse nco tu yanda kwiitwa, “basikwiindilizya,” na “basikuponya ba Buleza,” na “mubumbulusi uusalala,” na kufumbwa mbo bayanda kwiita. I ciimo caansi obo mbo tu bede ciyoinda kulema bubotu bwiinda obo nyika mboi konzya. Ba yanda kwiitwa kuti “sikwiindilizya wakaindi, uunyongene wakaindi, wa ziyanza zyakaindi.” Ci lainda kulema ku cintu cibotu kwiinda eco dyabulosi nca elede kukupa. Ciyoyita ncobeni.

¹⁰² Musa wa keezezya kusampaulilwa kwa Kristo. Wa kabona Kristo. Kumane wa kaambaula majwi ananikidwe aanguzu kujatikizya Nguwe. “Mwabona, Mwami Leza wanu uyo busya musinsimi mbuli ndime.” Wa kalizi. Wa kali Mu bwene kumbele, alimwi wa keezezya kusampaulilwa Kwakwe kuba buvubi bunji loko kwiinda bweebesi boonse ibwa nyika.

¹⁰³ Mweenzuma Munakristo, sunu, tokonzyi kucita obo na? Elyo a bweebesi a mpuwo ya nyika, ku lusyomo, tula mu bona Oyo wakasyomezya. Elyo ciimo caansi ica mbungano sunu, mu bube bwayo boonse, nekubaboobo Iyo inda kulema ku zintu zyoonse dyabulosi nzya konzya kukupa. Ikuti na twa zapaulwa, ikuti na twa zinyaunwa, ikuti na twa nyongana a kupwayaulwa, mu tubungwe a ciimo cakwiindilizya, ciyo inda kulema ku cintu cili coonse dyabulosi nca konzya kukupa. Masimpe.

¹⁰⁴ Wa keezezya kusampaulilwa Kristo kuba buvubi bunji loko kwiinda lubono loonse lwa Egepita. Mpawo wakacita cintu cimwi. Wa kasiya Egepita. Oh, Nda botelwa ibbala eelyo. Wa kasiya Egepita. Mwabona, wakali kulanga kwiinda mu mpulungwido njiyonya, pele wakali kulanga bwandeene kuzwa kuli kwa Farao. Ino kuti Farao nakabona mamanino akwe? Ino kuti Farao nakabona cisi cakwe kacinyikila? Musa waka cibona. Buti? Ku sayansi? Ku lusyomo, Musa waka cibona. Zintu zyoonse nzya kacita zyakali kwiinda ku lusyomo, nkaambo Leza waka

syomezwa Abrahamu, wisyi wakwe, kuti inga Uyo—inga Uyo swaya cisi kwaa kumana myaka iili myaanda yone, a kuteeti uyo bagwisya. Elyo ku lusyomo, Musa waka syoma Ijwi eelyo Leza ndya kaamba, alimwi waka liziba mwini, mbuli ku lusyomo, kuba musololi waka salidwe ku bagwisya. Wa kalizyi awo mpa kabede. Wa kabweza busena bwakwe mu zilindi zya daka, mbuli sikukanda idaka, a kweezezya kusampaulilwa Kristo kuba buvubi bunji loko kwiinda kukkala mu cuuno cabwami ca Egepita. Wa kabweza. . . Walo kwiina nakaamba, “Nda cifwida luse.” Wa kabweza busena bwabo a kwiinka a mbabo! Bulemu ku. . . Wa kabweza busena bwabo. Twa kainka a mbabo.

¹⁰⁵ Ta cigambyi mulembi waka nanikidwe wa kati:

Ndiyo bweza nzila ya bace basampaulwa iba Mwami.

Nda talika kweenda a Jesu, lino Ndiya buzwidilila.

Ndili mu lweendo lwangu kuya ku nyika ya Kenani. (Masimpe.)

¹⁰⁶ Musa. Ca kambwa aumwi ikuti Musa wakasala, cindi nakali kukozya kuba mwana mulombe wa Farao a kuba a bweebesi bwa nyika, wakasala kuba mwana mulombe wa Abrahamu kwiinda kuba mwana mulombe wa Farao. I mwana mulombe wa Abrahamu, sikusampaulwa, kwiinda kuba mwana mulombe wa Farao, mwaami.

¹⁰⁷ Inga ndasala kuba mwana mulombe wa Mwami Jesu, a muzikenyina Wakwe, a kubweza busena bwangu antoomwe a bantu bakakakwa iba nyika eyi, kwiinda kuba Muleli wa eyi impati United States ya America, na kuba Elvis Presley, na Pat Boone, na kufumbwa muntu ngo yanda kubamba. Ndiyo bweza nzila yangu.

¹⁰⁸ Balindu bakubusyi beelede kubweza nzila yabo. Mubusena bwa kuba i—i Mary Pickford, na muntu umwi mupati wa misobano yamu zipekupeku, musimbi umwi wa bweebesi, kobweza nzila yako a bace basampaulwa iba Mwami.

¹⁰⁹ Inga ndasala kuba mukambausi mu cikambaukilo, kukambauka buvubi bwa Kristo butaambiki, kwiinda kuba simisobano wamu zipekupeku izya Hollywood, na muntu mulemu maningi aa nyika. Ikuti na Nda keelede kulya katakwaankokaya, kulombelela, na kufumbwa nce Nda kali kukonzya kucita, Ndiyo bweza nzila yangu a bantu ba Mwami. Ku lusyomo, Nda cita obo. Nda pegwa ciimo ceelede. Pele, ku luzyalo lwa Leza, Ndi cikubona kwiinda ku lusyomo.

Ku lusyomo inga Nda cibona kulaale;

Elyo Taata ulalindila kuya mu nzila,

Ku tu bambila busena bwa kukkalila Kuya.

¹¹⁰ I muntu wa mitelo ya kuvola kwabantu wa kati, buzuba bumwi, “Nkaambo nzi nco kapanga ng’anda yako kuba

mbungano eyo? Ncinzi caka kupa kuti upe buyake bwa madollar aali zyuulu zili makumi obile a zyoanwe ku cikombelo eco ciniini cakaindi ciboneka bubbi loko?”

¹¹¹ Nda kati, “Tii yakali mbungano eyi nje Nda kacita. Mbantu bali kuya.” Ta ndi jisi lubono lwa nyika eyi. Oonse masheleni aa mali nge Nda kasola kubweza akabambwa kuba a mbungano eyi. Nkaambonzi? Lusyomo lwangu luli kuli Leza, alimwi kutali ku zintu zya nyika. Kuyandisya kwangu kuli aatala. Elyo Nda syoma kuteeti koonse kwanu kuli mbubonya, ikuti na muli luleme kuli Leza. Cili masimpe, kuti muli obo. Swebo, ku lusyomo, tulatambula. Swebo, ku lusyomo, tulasyoma Leza.

¹¹² Musa, waka bamba kusala. Elyo mpawo wa kacita, nakamana kubamba kusala, wa kalwanina lusyomo, mpawo, nkaambo ta kayoowa bukali bwa mwaami. Lino, mubuntu, wakali jisi nguzu zya kuyoowa bukali. Wa kali jisi nguzu zya kuyoowa bukali bwa mwaami, pele ta kacita. Ta ka cicita, nkaambo wakali jisi ncito ya kucita, alimwi wa kali mu mulimo. Elyo ta kabikkila maanu kuli eco mwaami nca kaamba kujatikizya ncico. Wa kabweza nzila Yakwe mbubonya.

¹¹³ Lino, Farao, mubwini, cindi nakabona kuti wazundwa, wa kayanda kupa Musa a bana... Wa kati, “Mbubo, Nda mwaambila eco nce Ta cite. Nyoonse amukkale buyo mu nyika a kuunka kubusena a kutuulila Leza wanu.”

¹¹⁴ Eyo nje nzila dyabulosi mbwa beleka. “Oh, ulakonzya kuba mukombi. Nkaambonzi nco tainki kuya kusangana mbungano imwi? To elede kucita zintu ezi zyoonse.” I mwaalumi wati ku mukaintu wakwe. . .

¹¹⁵ I mukaintu wati, “Omulumu, Nda futuka. Takucikwe zyakulipenta maanza a maala, na misila yaku milomo a zintu. Takucikwe zeezi. Takucikwe kubungana kwa misaalo ya buleya. Takucikwe zintu ezi zya nsangano. Nda cizwa mo! Ndiyo bikka ciindi cangu ku kubala Ijwi, kubamba ng’anda.”

¹¹⁶ “Lino, langa, oyandwa. Yebo, yebo inga waba mukombi, ncibotu. Lino, langa, yebo—yebo koya *awa*. Yebo ujisi mbungano ilubide.”

¹¹⁷ Peepe, yebo toli obo. Uli muli imwi iiluleme. Ikuti na ujisi oyo mukambausi uyo kukambaukila eco, we elede ku kkala a ncico. Jokoloka kulingula moonse mu Magwalo a kubona ikuti na cili luleme.

¹¹⁸ “Oh,” kati, “koya *awa*. Ta ba—ta be elede a kucita eco awa. Mwabona? Ta ba citi eci awa.” Eyo nje nzila. . . “Koya buyo kule maningi.” Pele ta yandi kuti uzwe mu nyika. Eyo nje nzila dyabulosi njacita. Ta yandi kuti uzwe mu zintu zya nyika; letelezya buyo nyika mukati antoomwe a mbungano.

¹¹⁹ I buzuba bumwi, kandi selemuka mu mugwagwa, Nda kalizya redio yangu. Elyo kwakali i—i nyimbo, elyo Nda

kazumanana kuswiilila, elyo Nda kabweza, kutandila, kumanizya nyimbo yoonse, ka Ndi tana konzya kuziba naa yakali nyimbo yabukombi ncobeni, na dyabulosi usola kuleta aansu zintu zya Leza kuciimo ca nyika. To konzyi kucita eco! Leza koba siluzyalo!

¹²⁰ Ta ndikwe ndaba na maalubbamu ongaye Elvis Presley ngalemba, zyoonse inyimbo zibotu zyabukombi. Uci njidwe dyabulosi. Wa katuma bana banji ku gehena, a milimo yoonse nje Ndi zyi, mu nyika yoonse mu buzuba buno. Pat Boone abamwi bambi, walo uzulilwa ku mbungano ya Kristo; a Elvis Presley, muna Pentekoste; mba Judasi Iskaliote, mu cinkozya ca bantu abo. I dyabulosi usola kuleta zintu zyaatala izya Leza, kutegwa inga bazisanganye aansu *awa*. I bantu taba kolungumanina Kujulu, *Eci*. Ba langa buyo *awa*, kwaamba, “Ee, calo ncimwi coonse.” Ta cili cimwi pe. Kozwa mu nyika.

¹²¹ Kati, “Yebo inga wainka buyo kwa mazuba masyoonto. Elyo koya, kakkale mu nyika.” Masimpe, wa kalizi kuti bayo joka. Mpawo wakajana kuti eco teeca kabeleka, aboobo wa kayeeya cintu cimwi candeene. Wa kati, “Ndiyo mwaambila eco cakucita. Ka muya ku busena buli boonse mbo muyanda kuunka, pele musiye bamakaintu banu boonse, a bana banu boonse, a ng’ombe zyanu zyoonse, kusule *awa*. Amu zisiya awa, elyo mwiinke kubusena.” Nkaambo, wa kalizi kuti bakajisi lubono kusule kuya, olo lwakali no boongelezya kujoka.

¹²² Elyo eco ncencico dyabulosi nca mwaambila. Kufumbwa buyo kuti mwasiya zimwi zintu zya nyika kazi kujatilide, mu ciyanda kufweba, mu yanda kunywa, mu yanda kusama mbuli nyika, ncibotu buyo mbuli dyabulosi nca yanda.

¹²³ Ndi lamvwa maningi kujatikizya kuwa. Ta ndi syomi kuti kuli kuwa maningi mbuli bantu mbo bayeeya kuteeti mbo kubede. Ba siya buyo ilubono lunji loko mu Egepita lwaku boongelezya kujoka, mbo kubede. Ikuwa takuli mbuli mbo ba kwaamba kuba. Mwa kasiya kunji maningi kwa nyika kusule kuya, oko ku moongelezya kujoka.

¹²⁴ Mukwesu, Nda kwaambila, cindi Israyeli niya kalibambila, aakati kamasiku, ba kajisi zintu zyoonse nzyo bajisi mu nyika eyi, bakalongela a kuli bambila kweenda.

¹²⁵ Leza tutumine lubukulusyo mbuli olo. Tu longele zintu zyoonse, a kuli bambila kweenda. I loongololo lwa aakati kamasiku lwa boola, “Kamuya muka Mu swaangane.” Nywebo ncibotu kamu jisi zintu zyoonse kazilongeledwe. Nywebo ncibotu kamu tajisi cintu cili coonse, nyika eyi, ci moongelezya kujoka, bube buli boonse bwa kumujata kukkala. Amu longele. Atu libambile. Tula unka.

¹²⁶ Elyo mulizi cintu na? Nda mwaambila, bakali kasimpe ncobeni kuli Leza, kusikila Farao waka nyongana maningi

aakati kamasiku, wa kati, “Ka muzwa! Ka muzwa, nkabela ka muya. Amu bweze zintu zyoonse nzyo mujisi, a kuunka!”

¹²⁷ Ndi kkomene maningi cakuti muntu inga wapona muni loko kuli Leza, kusikila dyabulosi tazi acakucita kuli nguwe. Mbo mbubo. Ka muzwa! Amu talike kweenda! Amuswiilile Leza!

¹²⁸ Ku lusyomo, wa kabona cisyomezyo. Sikukanda daka, na taakwe sikukanda daka, wa kabweza nzila yakwe a bace basampaulwa iba Mwami. Farao wa kati, “Amubweze zyoonse nzyo mujisi a kuzwa awa! Ta ndizyi cakucita kuli ndinywe.” Wa kali kasimpe maningi kuli Leza, ku lusyomo.

¹²⁹ Lusyomo inga lwa beleka maleele, ikuti na wakkala ca kasimpe kuli Leza. Ku lusyomo, tula Mu bona.

Ciindi cesu cakkwana; cainda aa ciindi.

¹³⁰ Pele, ku lusyomo, kuseeni kuno, amutambye meso anu. Muta boni cimuzungulukide, nyika eyi ya sunu, pele amulange a kubona Walo Oyo uupa cisyomezyo. I Bbaibbele lya kati, “Ta tubwene zintu zyoonse kuba kabotu loko lino, pele tu bona Jesu.” Amu lange kuli Nguwe, kuseeni kuno, nkabela nzila zyanu ziyo cincwa.

¹³¹ Kuciindi no tukotamika mitwe yesu, kwakaindi kasyoonto, ku ijwi lya mupailo. Akube kuti Mwami ayungizye zilongezyo Zyakwe ku Mulumbe.

¹³² Yeeya mu moyo wako lino. Sena wali kulanga aa zintu zya nyika? Ku lusyomo, sa ula mubona Jesu? Sena ulanga ku mpuwo yako, mbungano yako? Nanka bwiime bwako bwa buleya mbo bubede ku nyika? Na, sa ubona Jesu Walo, mu lweetelelo, kalibikka Mwini ku janza lyalulyo ilya Mulemu Simajulu, Oyo kapenga mbuli sikujailwa buzumini, uululeme nkambo ka bataluleme? Sena tokonzyi kutambya meso ako a kubona Musamu wa Buumi kutala kuya? Mpawo, kosiya musamu oyu wa sayansi a luzibo, aku Mu belekela.

¹³³ Sena inga wayanda kwiibalukwa mu mupailo ka Ndi tana komba? Kotambika janza lyako, ku nkumbizyo iili yoonse eyo njo konzya kuyandisya. Leza amu longezye. Ula bona maanza anu onse.

¹³⁴ Ikuti na nduwe sizibi, kotambya meso ako a kulanga lino. Ikuti na wakali sikancimwa, ikuti wakajisi inzwango ziniini a zintu ziniini, ndwandaano nzi nco bubamba? Uyo fwa bumwi bwa mazuba aya. Buzuba nzi? Ndiza sunu! To zyi pe. I oora kuzwa lino, ndiza unooli mu gehena, na ndiza ku Julu. Pele weelede kusala lino. Ikuti na kuli cintu cili coonse citali kabotu mu buumi bwako, kosala lino, ku lusyomo.

¹³⁵ Yebo wati, “Ee, ikuti na Nda konzya buyo akwalo kuba a nguwe! Ikuti na Nda konzya buyo akwalo kuba a walo na!” Takukwe makani eco nco bakacita, amusale Buumi. Amusale Buumi.

¹³⁶ Nkambo, Jesu wa kati, “Ikuti na ku moyo wako tolekeleli bantu bali boonse milandu yabo, awalo Taata Wakujulu taka kulekeleli.” Aboobo koba mumsi mbuli obo. Ikuti na kuli kaambo kamwi mu moyo wako kujatikizya muntu uli oonse, sizibi na musalali, uli mu ntenda ya mulilo waku gehena.

¹³⁷ Lino kotambya liso lyako. Ino ubona nzi, sinkondo nyokwe? Na, ubona Mufutuli wako? Ino ulanga aali kuseeni kuno?

¹³⁸ Ikuti na ulaciswa, elyo dokotela wako waamba kuti tokonzyi kupona, kotambya liso lyako mujulu, ku ciingano, oko Nkwa kaumwa nkaambo ka milandu yesu, ku mibunda Yakwe twaka ponesegwa. Uta langi kuli eco dokotela ncaamba; ubeleka mu sayansi. Lusyomo lubeleka mu cilao ca Muuya a Leza. Atu yeeye zintu ezi lino kuciindi no tutambika maanza esu. Leza waabona.

Atu paile.

¹³⁹ O Leza Utamani, mu butontozi bwa kukomba lino, Mulumbe niwa mana kumwaika, uta lekeli mbuto ezyo zya Ijwi Lyako, Mwami, kuwida a bulongo bwa mabwe manji. Uta lekeli Mulumbe, Mwami, kuwida mu ziteo ziyasa, maamvwa, kuti mapakasyo a buumi obu (mbuli Lota) inga ajaya kwiinda ku mookezi, ku mamanino, kuba zisowe. Pele, O Leza ulelekedwe, ilekele iwide aa malongo mabotu, aajisi munzuka, aa myoyo yuuside. Akuli wangu, awalo, Mwami, ikuti toonse tukonzye kulanga kwiinda mu gilazi lyakulangila ilya Leza, a kubona Mbungano yakakakwa iya Mwami Jesu, bantu bakakakwa, nzila yakakakwa, alimwi akube kuti tweende mu nzila eyi yabulemu.

¹⁴⁰ Mbuli Musa, ta kazi nkwakali kuunka. I bantu tee bakazi nko bakali kuunka. Tee bakazi nzila ya kutola. Ba katalika kuya buyo.

¹⁴¹ Elyo, O Mwami Leza, mbuli ciimbo eci cibotu loko mbo cili mukulizigwa, ku lusyomo inga twa bona Nyika eyi ili kulaale. Akube ndyoonya lino buyo, kuti baalumi a banakazi mukati muno batayeeyi eco nyika ncoiya kwaamba, na nzila mbobali mukweenda. Akube kuti banyamuke buyo mu muuya, a kuunka.

¹⁴² Musa wakatobela Mumuni, nkabela Wa kamusololela ku nyika ya cisyomesyo. Katazi a nkwakali kuya, pele wa keenda buyo mu Mumuni, kuyaku nyika eyo yakali mbotu maningi kwiinda buzuba.

¹⁴³ Kopa, Mwami, sunu, kuti banji muno beende mu Mumuni wa Lugwalo a mu luswaanano lwa Muuya Uusalala, antoomwe a Mbungano; i Mbungano, ibakazyalwa Kusaanguna, bavwanda bapya abo bakatambula Kristo, a kuzuzigwa Muuya Uusalala, kweenzegwa a Muuya. Akube kuti tweende mu luswaanano olu, antoomwe, ku buzumini boonse bujiswi canguzu ibwa Leza, ku Mu belekela mu lubbizyo, mu kuswiilila ku lufu Lwakwe, kuzikwa, a bubuke. Akube kuti tu Mu belekele mu kulailila Kwakwe, “Amu lindile mu Jerusalema kusikila mukazuzigwe Nguzu zizwa Kujulu.” Akube kuti tu Mu belekele

mu kuponesegwa kwa Buleza, ku kombela baciswa. Akube kuti tu Mu belekele mu mulalilo, kukomona cinkwa, a moyo omwe, luswaanano ku Ijwi lya Leza. Akube kuti tu Mu belekele muli buzumini boonse bujiswi canguzu ibwa Buleza Bwakwe, kusikila Nyika iboole mukubona. Ko cipa, Mwami. Koteelela mupailo wesu, mbuli mbo tu cituula coonse kuli Nduwe lino, mu Zina lya Mwami Jesu.

¹⁴⁴ Lino a mitwe yesu kiikoteme, cabutontozi, cabucebuce, atwiimbe buyo nyimbo eyi. Lino oku nkukomba. I mulumbe wamana. Kwiina uuzwa pe. Atube buyo baumwine. Atu paile.

¹⁴⁵ I mulumbe uli mukululamika. Amu yeeye lino eco ncomwacita, nco mweelede kucita, eco caka mubamba obo mbo mubede sunu. Eco camupa mulandu, sunu, nkaambo kakuti mwakacita cintu cimwi jilo. Ci yooba buti juunza? Amu cilulamike sunu, nkabela muyo anguluka juunza. Mwabona? Mwe elede kusala. Mbobuti mbo munga mwa cicita? “Ku lusyomo, Nda lekezya zintu zyoonse lino. Nda leka zyonse lino, nkabela buzuba bumwi Ndi yoinka kutala Kuya.”

Mu bubotu aakale,
Tuyo swaangana aa obo bubo- . . .

Ka mukomba buyo Mwami mu muuya lino.

Mu bubotu aakale,
Tuyo swaangana Mbungano yaka sampaulwa.
(Musinzo muyumu, pele tuyo swaangana
buzuba bumwi.)

Kuli Taata wesu sibuyya kujulu,
Tuyo pa bulumbu bwesu bwa kulumbaizya,
Ku cipo cabulemu ica luyando Lwakwe,
A zilongezyo ezyo zisetekanya kwesu . . .

A bace basampaulwa iba Mwami, ku lusyomo, Nda sala.

Mu bubotu (mu bubotu) aka . . . (aakale)
Tuyo swaangana aa nkomwe eyo mbotu;
(aakale)

Mu bubotu (mu bubotu) aakale,
Tuyo swaangana aa nkomwe eyo mbotu.

Kuli Nyika ii . . .

Ka Mu mukomba buyo. Oku nkukomba.

. . . lusyomo inga Nda bona,

Ku lusyomo Nda bamba kusala kwangu.

Oh, Taata ulalindila . . .

¹⁴⁶ Nda bona boonse ba Mwami kutala Kuya; Mukwesu George, Mukwesu Seward, boonse basalali.

. . . bambila busena bwa kukkalila Kuya. (Iiyi,
Mwami!)

I bubotu . . .

¹⁴⁷ Bausyi bakwe, Howard, Edward, boonse basalali bakaindi bakabweza Nzila, kaindi kuya, ciindi cakainda.

Mu bubotu (Iiyi, Mwami!) aakale (aakale),
Tuyo swaangana aa nkomwe eyo mbotu.

Tu yoimba aa li eyo mbo- . . . (O Leza!)
I nyimbo zya malelebu zya balelekedwe,
(Bulemu kuli Leza!)
. . . taba kausi limbi,
Nekuba kutongela nkambo ka Busena obo bwa
kulyookezya.

Mu bubotu, bubotu aka a . . . (aakale)
Tuyo swaangana aa li eyo mbo- . . .



KU LUSYOMO, MUSA TNG58-0720M

(By Faith, Moses)

Oyu Mulumbe aa Mukwesu William Marrion Branham wakakambaukwa lutaanzi mu Chikuwa Munsondo kuseeni, Kunkumunamasamu 20, 1958, ku Branham Tabernacle mu Jeffersonville, Indiana, U.S.A., wakagwisigwa kuzwa ku rekordi yamagnetiki a kulembwa cakutagwisyacintu mu Chikuwa. Obu busanduluzi bwamu Chitonga bwa kalembwa akumwaisigwa aa Voice Of God Recordings.

CHITONGA

©2018 VGR, ALL RIGHTS RESERVED

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

www.branham.org

Kuzibya Kwa Nguzu Zyakkopi

Nguzu zyoonse zilitaminidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyobolwa mu ciyanza cakujokolosya, kusandululwa mu misyobo iimbi, na kubelesegeka kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org